

Umgaqo-nkqubo oyimfihlo

I-Sage Bionetworks ("Sage Bionetworks, "thina" okanye "si") yinkampani engenzi ngeniso esekwe ngokomthetho 501(c)(3) eMerika. Yenzelwe ukuphucula indlela abaphandi abayisebenzisa ngayo inkcazelo yabantu entsokothileyo kunye nokunyangwa kwezigulo.

Ukuze siququzelele uphononongo lwezophando lwe-MindKind ("uPhononongo"), siye senza iwebhusayithi kunye ne-aplikeyshini yeedivaysi ezimobhayile ("iwebhsayithi ye-MindKind" kunye ne-MindKind Study App. Sifuna ukufumanisa ukuba ingaba ulutsha olungabantu abadala luzimisele na ukusebenzisa i-aplikeyshini yedivaysi emobhayile (i-MindKind Study App) ukuze lwenze ingxelo ngempilo yengqondo yalo. Sikwafuna nokwazi ukuba yeyiphi idatha ulutsha olufuna ukunikezela ngayo kuphando nokuba lukwenza njani oko. Le nkcazelo iza kusinceda sigqibe enoba idatha eqokelelwe nge-MindKind Study App inokusetyenziswa ukuze kwenziwe uvimba wophando oqulethe idatha yeMpilo yeNgqondo ehlabathini lonke. UPhononongo kunye ne-MindKind Study App lwenzelwe abasebenzisi abafikelele kubudala obusemthethweni (obuphakathi kweminyaka eli-16 kuye nengama-21 ngokuxhomekeka kwimithetho yendawo), nabahlala kwilizwe efumaneka kulo i-MindKind App.

Imfihlo yakho ibalulekile kuthi. Ileyibheli yemfihlo ikunika ushwankathelo lwendlela i-Sage eyigcina ngayo imfihlo kwiWebhusayithi ye-MindKind nakwi-MindKind Study App. Ukuze ufunde okungakumbi, funda inkqubo enekcukacha ezingezantsi.

Ileyibheli yemfihlo

Ukuqokelelwa kweDatha

- Ingaba siyaziqokelela iinkcukacha ezikwikhathegori ezifihlakeleyo, ezifana nenkcazelo yezempilo?.....Ewe
- Ingaba siqokelela idatha engenankcukacha kwidivaysi yakho?Ewe
- INgaba siyafikelela kwiikhontakthi, iifoto kunye nenye inkcazelo yobuqu egcinwe kwifowuni yakho?Hayi

Ukulandelela

- Ngaba siyazisebenzisa iikhukhi?Hayi
- Ngaba siqokelela inkcazelo ngefowuni yakho?Ewe
- Ngaba silandela ngqo kwindawo ekuyo idivaysi yakho?.....Hayi
- Ngaba siyazilandela izinto ozijonga kwibrawuza yakho usebenzisa ezinye ii-App?.....Hayi
- Ngaba siyakumamela sisebenzisa imaykhrofowuni yedivaysi yakho?Hayi
- Ngaba siyakubukela sisebenzisa ikhamera yedivaysi yakho?.....Hayi

Ukusetyenziswa Nokwabelana ngeDatha

- Ngaba siyayithengisa okanye siqeshisa ngenkcazelo yakho yobuqu?Hayi
- Ngaba sabelana nezinye iinkampani ngenkcazelo yakho yobuqu?Ewe kodwa ngemvume yakho
- Ngaba sabelana ngenkcazelo engakuchaziyo nedityanisiweyo?Ewe
- Ngaba inkcazelo yakho siyisebenzisela intengiso?Hayi
- Ngaba siyithumela/siyigcina phesheya idatha yakho?Ewe, eMerika

Izixhobo Zokulawula UBumfihlo

- Ngaba uyakwazi ukulawula ukuba ngubani obona idatha yakho?Ewe
- Ngaba ungacela ukufikelela uze udawunlowude idatha yakho?Ewe
- Ngaba siyayicima idatha yakho xa usicela senze oko?Ewe
- Ngaba idatha yakho siyigcina kangangexesha efuneka ngalo ngaphandle kokuba ucele icinywe?.....Ewe

Unxibelelwano

- Ngaba siza kukwazisa ukuba siyayitshintsha iPolisi yethu yoBumfihlo?Ewe
- Ngaba sikuthumelela izaziso ezivelayo kwisikrini sedivaysi yakho?Ewe, ukuba uyavuma
- Ngaba sinezinto esinxibelelana ngazo nawe?Ewe, ukuba uyavuma

IPolisi Yemfihlo Eneenkukacha

Le polisi yemfihlo icacisa indlela esiyiqokelela ngayo idatha yakho yobuqu xa uthatha inxaxheba kuPhononongo ngokusebenzisa iWebhusayithi ye-MindKind kunye/okanye i-MindKind Study App, indlela esiyisebenzisa nesiya idatha yakho inkcazelo yakho yobuqu, kunye namanyathelo esiwathathayo ukuze sikhusele idatha yakho yobuqu. "Idatha yobuqu" ithetha nayiphi na inkcazelo enokwenza umntu aziwe ukuba ungubani enoba oko kwenzeka ngqo okanye ngezinye iindlela.

Ukuze kuphunyezwe iinjongo zoPhononongo, inkampani enoxanduva lokuqokelela nokwenza idatha yobuqu, iwebhsayithi ye-MindKind Study kunye ne-MindKind Study app yi-Sage Bionetworks, 2901 Third Avenue North, Suite 330, Seattle, WA 98121, United States.

Inkokheli yophononongo e-Indiya ngu:

- Soumitra Pathare, MD, DPM, MRCPsych, PhD - Centre for Mental Health Law and Policy - Indian Law Society, India

Inkokheli zophononongo eMzantsi Afrika ngu:

- Melvyn Freeman, MA Clin Psych - Higher Health, South Africa
- Zukiswa Zingela, MMed Psych, FCPsych, Department of Psychiatry and Human Behavioral Sciences - Walter Sisulu University, South Africa

Inkokheli zophononongo e-UK ngu:

- Mina Fazel, DM MRCPsych - Medical Sciences Division, Department of Psychiatry, University of Oxford, England
- Tasmin Ford, CBE, FRCPsych, FMedSci - School of Clinical Medicine, Department of Psychiatry - University of Cambridge, England

Ukusebenzisa kwakho iwebhusayithi ye-MindKind kunye/okanye i-MindKind Study App kunye nokuthatha kwakho inxaxheba kuPhononongo kungokuzithandela.

Ngokusebenzisa iwebhsayithi ye-MindKind kunye/okanye i-MindKind Study App

kwanokuthatha inxaxheba kuPhononongo, unikela ngemvume kwezi ndlela zokugcina imfihlo zichazwe kule polisi yemfihlo.

Inkcazelo Esiyiqokelelayo

Ngokuqhelekileyo siqokelela yonke inkcazelo osinika ngokungqalileyo. Ngemvume yakho, siqokelela inkcazelo ngasemva xa usebenzisa iwebhsayithi ye-MindKind kunye/okanye i-App.

ASISAYI kufikelela kwiikhontakthi, iifoto, imiyalezo kunye ne-imeyili ezikwi-smartphone yakho. Siza kuqokelela kuphela inkcazelo oyinika i-MindKind.

Ukuba Ungubani ("Inkcazelo Yomsebenzisi")

Siqokelela inkcazelo osinika yona xa kusenziwa inkqubo yemvume unolwazi kunye neyokuvula ikhawunti size enye siyifumane xa unxibelelana nathi.

- Inkcazelo yoqhagamshelwano: Oko kungaquka igama, i-imeyili, inombolo yefowuni kunye nayiphi enye inkcazelo osinika yona ukuze sikwazi ukuphendula izicelo zakho zenkxaso, kwimibuzo kunye namagqabaza.
- Ukufaneleka: Sibuzwa imibuzo ukuze siqinisekise ukuba uyakufanelekela ukuthatha inxaxheba kuPhononongo uze usebenzise i-MindKind Study App. UPhononongo lwenzelwe abantu abaphakathi kweminyaka eli-18 (16 e-UK) naba nama-24 iminyaka ubudala. Singakubuzwa iminyaka yakho ukuze siqiniseke ukuba umdala ngokwaneleyo ukuba ungasebenzisa i-App.
- Imvume unolwazi: Inkqubo yemvume unolwazi icacisa i-MindKind Study. Kufuneka uvume ukulujoyina uze usebenzise i-App. Sibuzwa imibuzo ukuze siqinisekise indlela oqonda ngayo size senze ingxelo yokhethe lwakho. Xa uqinisekisa isigqibo sakho, sifuna usayine kwisixhobo se-elektroniki.
- Ukuvula iakhawunti: Siqokelela inkcazelo esisiseko ukuze wenzelwe iprofayile uze ukwazi ukufikelela kwi-MindKind Study App. Oku kunokuquka igama lomsebenzisi, iphaswedi kunye nedilesi ye-imeyili.

Izinto ozenzayo xa usebenzisa i-App ("Izinto zeDatha Ezenziwayo")

Wakuba ujoyine uphononongo lwe-MindKind siza kuqokelela inkcazelo malunga nempilo yakho sisebenzisa iiseveyi kunye nenye idatha osinika yona.

Iiseveyi zempilo

Njengenxalenye yophononongo lophando lwe-MindKind, siza kukubuzwa malunga nempilo yakho yengqondo. Awunyanzelekanga uyiphendule le mibuzo. Ungatsiba nayiphi na imibuzo ongafuniyo ukuyiphendula.

IDatha Eqokelelwa Kwiisensa

Unokuvuma ukwabelana ngedatha eqokelelwa kwiisensa. Le yidatha eqokelelwa kwiisensa ezifakwe kwidivaysi yakho. Ngokomzekelo, umlinganiselo wokukhanya, ixesha olichitha usebenzisa ifowuni kunye nobalo manani ebhetri. Ungazigqibela ukuba loluphi uhlobo lwedatha olungakuchaziyo ofuna ukwabelana ngalo ngokutshintsha iisethingi zedivaysi yakho.

Inkcazelo Yedivaysi kunye neefayile zosetyenziso ("IDatha Ngosetyenziso")

Nanini na usebenzisa iisevisi ezikwi-intanethi, inkcazelo ethile igcinwa ngokuzenzekelayo; kuyafana naxa usebenzisa iwebhsayithi ye-MindKind okanye xa udawunlowuda uze usebenzise i-MindKind Study App. Ngokomzekelo, sinokuqokelela inkcazelo engexesha nomhla oye wasebenzisa ngayo i-App kunye namakhasi oye wawatyelela. Asisebenzisi iikhukhi, ii-beacon okanye iminwe ethathwa yidivaysi xa siqokelela inkcazelo.

Kutheni siqokelela le datha

Le datha siyiqokelela ukuze silungise size siphucule uphononongo lophando, iwebhsayithi ye-MindKind kunye ne-MindKind Study App, ukuze sikwazi ukunxibelelana nawe size sikwazi nokufuna abanye abathathi-nxaxheba ekuhambeni kwexesha. Esinye isizathu sokuqokelela idatha kukuze sithobele imithetho yephondo nekazwelonke size sithintele kwaye sithintele iimeko ekukho ukuxhaphaza kunye nobuqhetseba.

Indlela esiyisebenzisa ngayo inkcazelo esiyiqokelelayo

Inkcazelo yakho yobuqu siza kuyisebenzisa ngale ndlela kuchazwe ngayo apha kuphela.

Inkcazelo Yomsebenzisi kunye neDatha Yezinto Ezenziwayo

Ukongezelela ukuyisebenzisela uphando lwenzululwazi, sisebenzisa inkcazelo esiyiqokelele ngewebhsayithi ye-MindKind kunye/okanye nge-MindKind Study

App kuzo naziphi kwezi zilandelayo:

- Ukuqinisekisa ukuba iwebhsayithi kunye/okanye i-App isebenza kakuhle.
- Ukuphucula iwebhsayithi kunye/okanye i-App nokuyenza kube lula ukuyisebenzisa. Ngokomzekelo, ukukhumbula inkcazelo osele uyifakile ukuze kungabi yomfuneko ukuba uphinde uyifake.
- Ukuqhagamshelana nawe ngeenjongo zolawulo okanye ukuphendula kwizicelo, imibuzo okanye iinkxalabo

- Ukukuxelela okungakumbi malunga nolunye uphononongo lophando okanye ezinye izinto onokuba nomdla kuzo.

IDatha Yosetyenziso

Idatha yosetyenziso siyisebenzisela ezi njongo zilandelayo:

- Ukulungisa, ukukhusela nokuphucula iwebhsayithi kunye/okanye i-App
- Ukubona nokulungisa uphazamiseko kwiisistim zethu
- Ukwenza uhlalutyo lweepatheni zosetyenziso
- Ukwenza kusebenze, ukulungisa, ukuphucula kunye nokubonelela ngazo zonke iifitsha zewebhsayithi okanye i-App
-

Indlela esiyiqhuba ngayo inkcazelo esiyiqokelela nge-App

Inkcazelo esiyiqokelelayo siyiqhuba nge-MindKind Study App. Nanga amanyathelo esiwathathayo xa siqhuba inkcazelo yakho:

1. Inkcazelo yeakhawunti yakho enjengegama lakho kunye nenombolo yefowuni siyayohlula kwenye inkcazelo yophononongo enjengeempendulo zakho kwimibuzo.
2. Sikunika ikhowudi yophononongo oyabelwa ngokuzenzekelayo. Sifaka le khowudi kwidatha yakho yophononongo. Isitshixo esidibanisa le khowudi kunye negama lakho sigcinwa kwindawo eyahlukileyo nekhuselekileyo.
3. Sidibanisa idatha yakho yophononongo ekwikhawudi (engenalo igama lakho) kunye nedatha ekwikhawudi yabanye abantu abakolu phononongo lophando okanye olungolunye. Sisebenzisa le datha idibeneyo kuphando lwethu.
4. Idatha yophanda esiyiqokeleleyo siyigcina kwi-Synapse. I-Synapse yiplatfom yophando ekwi-intanethi, apho abaphandi bomxhasi, iqela lophononongo kunye namaqabane ophando angena khona ukuze afikelele aze ahlalutye idatha. Ingxelo yeziphumo zophando lwethu singayipapasha kwiiblogi okanye kwiimpapasho zesayensi. Igama lakho alisayi kuvela kwiziphumo esizipapashayo.

Siyigcina ixesha elingakani le datha?

Inkcazelo yomsebenzisi kuquka inkcazelo yobuqu siyigcina kangangoko kuyimfuneko ukuze sibonelele ngeesevisi zethu size siphumeze iinjongo ebiqokelelwe zona inkcazelo, ngaphandle kokuba umthetho osebenzayo ufuna ngokwahlukileyo. Ngokomzekelo, inkcazelo yokungena kwiakhawunti yomsebenzisi siyigcina de iyekwe ukusetyenziswa iakhawunti. Abasebenzisi bangayihlela inkcazelo yabo okanye bayisuse ngokurhoxa kuphononongo besebenzisa iisethingi zeprofafile. Inxelo yezinto ezenziwe ngumsebenzisi ngoxa iakhawunti ibisetyenziswa siza kuyifaka elugcinweni ukwenzela iinjongo zokuhlola kweencwadi, iinjongo zoshishino ezisemthethweni, ukuthobela imithetho, ukusombulula amabango kunye nokunyanzelisa izivumelwano kunye neepolisi zethu.

Ebudeni beprojekthi ye-MindKind siza kugcina inkcazelo yakho yobuqu kuquka ingxelo yemvume kunye nenkcazelo yeakhawunti kunye nedatha yophononongo ukwenzela uphando oluzayo. Ukuba uyarhoxa kuphononongo, siza kucima idatha yeakhawunti yakho yobuqu kunye nenkcazelo yobuqu kodwa idatha yophononongo esele siyiqokelele siza kuyigcina. Unokutsho ngokucacileyo ukuba ufuna sicime idatha yeakhawunti yakho yobuqu kunye nedatha yophononongo kwaye siza kuyenza loo nto.

Indlela esiyichaza ngayo inkcazelo

Ababoneleli beenkonzo

Sisenokusebenza nabarhwebi, ababoneleli beenkonzo kunye namanye amaqabane ukuze benze kufumaneka i-hardware, i-software, izixhobo zenetwekhi, izixhobo zokugcina kwiiseva kunye neteknoloji efunekayo ukuze kusebenze, kuxhaswe kwaye kulungiswe izinto zoPhononongo, iwebhsaythi ye-MindKind kunye/okanye i-MindKind Study App. Siye sacela ukuba bonke ababoneleli beenkonzo benze inkcazelo kuphela xa bekwenza oko egameni le-Sage Bionetwork kwakunye naxa belungisa ukhuseleko nemfihlo yalo nkcazelo ngokusebenzisa ubugcisa kunye namanyathelo enkampani. Asibavumeli ababoneleli beenkonzo ukuba badize inkcazelo yabasebenzisi ngaphandle kokuba kuyimfuneko kumsebenzi abawenza egameni lethu. I-MindKind isebenzisa aba baboneleli beenkonzo balandelayo:

- Amazon Web Services

Ukuthobela iMithetho

Sisenokukhupha inkcazelo ukuba oko kufunwa ngumthetho. Ngokomzekelo, ukuze sithobele imithetho yephondo okanye kazwelonke, xa kukho umyalelo wenkundla, umsila wengwe okanye ukuze sisebenzisane namagosa omthetho okanye ezinye iiarhente zikarhulumente.

Ukuba sinesizathu sokukholelwa kufanelekile ukunikela ngenkcazelo, sinokukwenza oko:

- Ukuze sizikhusele nxamnye namatyala

- Ukuze sizikhusele nxamnye nobuqhetseba, ukuxhatshazwa okanye ukusetyenziswa ngendlela engekho mthethweni
- Ukuze siphande size sizikhusele nxamnye nezityholo zamaqela esithathu
- Ukukhusela ukhuseleko kunye nokuthenjwa kwe-MindKind Study App, iwebhsayithi ye-MindKind kunye noPhononongo nazo naziphi izakhiwo okanye izixhobo ezisetyenziselwa ukwenza i-MindKind Study App, iwebhsayithi ye-MindKind okanye uPhononongo lufumaneka
- Ukukhusela ipropathi yethu okanye amanye amalungelo asemthethweni (kuquka kodwa kungaphelelanga ekunyanzeliseni izivumelwano zethu) okanye amalungelo, ipropathi okanye ukhuseleko lwabanye abantu. Siza kwazisa xa kuye kwafuneka sichaze ngale ndlela icacisiweyo.

Utshintsho kuShishino

Ukuba i-Sage Bionetworks kwenzeka ibe notshintsho lwabaphathi okanye lweshishini njengokudibana namanye, ukuvalwa, ukuthengiswa, ukusebenza kunye, ukutshintshwa, ukuhlengahlengiswa kwabaphathi okanye enye imeko yayo yonke okanye inxalenye yeshishini le-Sage Bionetworks, ngoko iiasethi ze-Sage okanye izabelo, inkcazelo okanye idatha ingathunyelwa kwiqela lesithathu. Inkcazelo yakho ekuthi ingathunyelwa njenge-asethi yeshishini. Kwiimeko ezinjalo, siza kuthatha amanyathelo asengqiqweni okuyalela umfumani waloo nkcazelo ukuba ayisebenzise ngendlela ehambelana nale Polisi yoBumfihlo.

Inkcazelo Edibeneyo Nobalo manani

Singabelana namaqela esithathu ngenkcazelo edibeneyo kunye neyobalo manani esiyifumene kwinkcazelo yomsebenzisi ukuze kwenziwe uhlalutyo.

Uphando Kwixesha Elizayo

Njengoko kuchaziwe ngasentla kwicandelo elithi "Indlela eyenziwa ngayo inkcazelo esiyiqokelelayo," idatha yakho yoPhononongo kuquka iimpendulo zeseveyi kunye neziphumo ezithathwe xa ubusenza imisebenzi siza kuyidibanisa kunye naleyo yabanye abathathi nxaxheba kuphononongo. Inkcazelo edibeneyo iza kuthunyelwa kwi-Synapse, iplatform eyenza ubalo lweziphumo zophando ukuze ihlalutywe. Abaphandi beqela loPhononongo kunye namaqabane alo afikelela kwidatha esebenzisa i-Sage Synapse (www.synapse.org) aza kuhlalutya idatha enze ingxelo yophando ayipapashe kwiiblogi nakwiimpapasho zesayensi. UPhononongo lungakunika ukhetho lwemvume yokwabelana ngedatha yoPhononongo ngokubanzi kunye nabanye abaphandi abakwihlabathi liphela ukuze isetyenziswe kolu phando kunye nakolunye ukuze kuncedakale uphando lwenzululwazi kwixesha elizayo. Ukuba ukhetha ukuba idatha yakho kwabelwane ngayo ngokubanzi, idatha yakho yoPhononongo ekwikhawudi (engenayo inkcazelo yakho yoqhagamshelwano) iza kufakwa kuvimba wedatha yoPhononongo kwi-Synapse kwaye iza kwenziwa ifumaneka kubaphandi abaneemfaneleko, ababhaliswe njengabasebenzisi

be-Synapse nabavumayo ukusebenzisa idatha ngendlela efanelekileyo, ukuze bangonzakalisi baze bangazami ukuyenza idibane neenkukacha zakho okanye baphinde bazame ukuqhagamshelana nawe ngaphandle kokuba uyivumile loo nto. \Ukuze ufumane inkcazelo engakumbi malunga nendlela esiyisebenzisa ngayo idatha kwiplatform yophando kwi-Synapse, nceda ufunde iPolisi yoBumfihlo ye-Synapse.

Into esingayenziyo

- Asiyithengisi okanye siqeshise ngenkcazelo esiyiqokelela ngawe ngaphandle kwemvume yakho.
- Inkcazelo yakho yobuqu asiyisebenziseli izibhengezo zentengiso.
- Asisebenzisi iikhukhi, ii-beacon okanye iminwe ethathwa yidivaysi xa siqokelela inkcazelo.
- Asifikeleli kwiikhontakthi, iifoto, imiyalezo kunye ne-imeyili ezikwi-smartphone yakho. Siqokelela kuphela inkcazelo onikela ngayo kwiwebhsayithi ye-MindKind, kwi-MindKind Study App nakuPhononongo.
- Asibalandeleli abantu abatyelela iwebhsayithi ye-MindKind kunye/okanye i-MindKind Study App emva kwexesha naxa bekwiwebhsayithi zamaqela esithathu okanye bekwiisevisi ze-intanethi ukuze sibabonelele ngentengiso ejoliswe kubo kwaye iisignali ezithi Do Not Track ("DNT") asisabeli kuzo.

Indlela esiyikhusela ngayo inkcazelo - Ukhuseleko lwedatha

I-Sage Bionetworks isebenzisa imigangatho yezoshishino ephambili kubugcisa, izakhiwo kwiinkqubo zenkampani kunye nolawulo ukuze sikhusele inkcazelo yobuqu esiyiqokelelelayo, siyigcine okanye esiyiprosesayo ngokumayela nophononongo. Oku kwenzelwa ukunciphisa imingcipheko yokufikelelwa ngempazamo okanye ngokungekho mthethweni, ukutshatyalaliswa, ukuchazwa, ukusetyenziswa kakubi, ukutshintshwa okanye ukulahleka kwenkcazelo. Amanathelo okukhusela idatha adibanise izinto ze-Privacy Enhancing Technologies (PET) kunye neepolisi/iinkqubo zokusebenzisa kakuhle idatha. Sekunjalo ayikho indawo ekhuseleke ngokupheleleyo - 100%

Iincutshe zokudibanisa inkcazelo ukuze ikwazi ukukuchonga zingakwazi ukutshintsha iinkqubo zethu kunye/okanye zikwazi ukukwenza waziwe ukuba zinenkcazelo eyaneleyo ezinokuyisebenzisa ukuze ziyinqgamanise nenkcazelo yakho. Ukungaziwa akunakuqinisekiswa.

Amalungelo nokhetho lwakho

Unamalungelo nokhetho malunga nedatha yakho esiyiqokelelayo nesiyingcinayo. Unokucela ukufikelela uze ufumane inkcazelo malunga nedatha yobuqu yakho esiyingcinayo. Unokucela ukuba idatha yakho yobuqu ilungiswe, ithintelwe okanye icinywe

ukuba ayichanekanga, okanye indala. Emva kokufumana isicelo sakho, umbuzo wakho siza kuwuphedula njengoko umthetho osebenzayo ufuna njalo.

Ngalo nangaliphi na ixesha, unokukhetha ukunganiki imvume yokuqokelelwa kwedatha yosetyenziso lwedivaysi emobhayile ngokuvala isethingi efanelekileyo kwi-MindKind Study App okanye kwidivaysi yakho emobhayile.

Unokuphuma nangaliphi na ixesha kuphononongo nangaso nokuba kungasiphi na isizathu. Ukuba ungathanda ukwenza oko, ungakwenza ngokuqhagamshela umntu ekuqhagamshelwana naye kwilizwe lakho njengoko kuchazwe ngasentla okanye uthumelele iqela lophononongo i-imeyili eMerika ku MindKindSupport@sagebionetworks.org. Unako nokurhoxa ngokukhetha iqhosha elithi "Rhoxa" ngqo kwi-MindKind Study App. Siza kuyivala iakhawunti yakho size siyeke ukuqokelela idatha yakho entsha. Siza kusiphendula isicelo sakho sokurhoxa ingaphelanga inyanga e-1 emva kokuba sisifumene isicelo sakho. Ngokuzenzekelayo idatha yakho engakuchaziyo, efihlwe ngekhawudi nonikele ngayo ngaphambi kokurhoxa iza kugcinwa luPhononongo.

Ungakhetha **ukungafumani nxibelelwano lophononongo** oluvela kuthi ngokucofa ilinki ethi "unsubscribe" nefakwa kulo lonke unxibelelwano oluthunyelwayo okanye ngokusazisa nge-imeyili ku MindKindSupport@sagebionetworks.org ngegama elithi "susa" kwintloko yesifundo, kwaye siya kususa iinkcukacha zakho zonxibelelwano kuluhlu lwethu lokuposa

Ukuze ufake isicelo malunga nedatha yakho yobuqu esiyigcinileyo okanye ukuba unemibuzo ngamalungelo nokhetho lwakho mayela nokuproseswa kwedatha yakho, nceda uqhagamshelane ne-Data protection Officer (DPO) yase-Sage ku privacyofficer@sagebionetworks.org okanye bhalela i-Sage Bionetworks, Ingqalelo: Data Protection Officer, 2901 Third Avenue, Suite 330, Seattle, WA 98121, USA. Nceda uphawule ukuba nangona naluphi na utshintsho olwenzayo luza kubonakala kwidathabheysi yabasebenzisi abasebenzayo emva kwexesha elisengqiqweni, singagcina yonke inkcazelo osinikayo ukwenzela ibhekhu, ugcino, ukuthintela ubuqhetseba nokuxhaphaza, uhlalutyo, iimbopheleleko zolwaneliso lwezomthetho okanye xa sikholelwa ukuba sinesizathu esibambekayo sokwenza oko njengoko umthetho osebenzayo uvuma.

Ukuba ngokuyintloko uhlala kwilizwe elithobela i-General Data Protection Regulation, jonga Isihlomelo Samalungelo eDatha ngezantsi ukuze ufumane inkcazelo engakumbi mayela namalungelo akho.

Ukuthunyelwa Kwenkcazelo Yakho Ngapha Kwemida Yelizwe Ohlala Kulo

UPhononongo lwe-MindKind luqhutywa kumazwe amaninzi. Idatha eqokelelwa ngokunxulumene noPhononongo, iwebhsayithi kunye/okanye i-App iza kuthunyelwa, iproseswe ize igcinwe eMerika. Kusenokwenzeka ukuba imithetho yokukhusela idatha eMerika yahlukile kunemithetho yelizwe esiyifumene kulo inkcazelo yakho. Singakhetha ukuthumela idatha yakho ukusuka eMerika ukuya kwamanye amazwe okanye imimandla ngokumayela nokugcina nokuyiprosesa, ukuphumeza izicelo zakho kunye nokusebenzisa i-MindKind Study App, iwebhsayithi kunye noPhononongo. Xa sisenza njalo, siza kuthobela imfuno zomthetho ezimayela nokuthunyelwa kwenkcazelo yobuqu kwamanye amazwe kwaye siza kuyikhusela loo nkcazelo njengoko kuchaziwe kule Polisi yoBumfihlo.

Ngokusebenzisa i-MindKind Study App okanye ngokuthatha inxaxheba kuPhononongo, uza kucelwa ukuba unikele ngemvume yokuhanjiswa kwedatha yakho yobuqu kuquka inkcazelo yezempilo isiwe kwamanye amazwe kuquka iMerika. Ukuba uhlala ngaphandle kwaseMerika kwaye ukhetha ukujoyina uPhononongo okanye usinika inkcazelo usebenzisa iwebhsayithi, i-App okanye ezinye iindlela, uyavuma kwaye uyaqonda ukuba inkcazelo yakho iza kuthunyelwa, iproseswe ize igcinwe eMerika njengoko kuyimfuneko.

Uqhagamshelwano

Ukuba unayo nayiphi na imibuzo, amagqabaza okanye izicelo malunga nale polisi yobumfihlo okanye ukuprosesa kwethu inkcazelo yakho, nceda uqhagamshelane nathi.

I-Sage Bionetworks ngumlawuli wenkcazelo yakho xa iqokelelwe yaza yanziwa ngeenjongo zeesayithi neesevisi zethu. I-Data Protection Officer yethu (DPO) inoxanduva lokulawula oko sikwenzayo ngenkcazelo yakho kunye nokuqinisekisa ukuba siyayithobela imithetho esebenzayo yokukhusela idatha. Ungaqhagamshelana ne-Data Protection Officer yethu ngokuthumela i-imeyili ku privacyofficer@sagebionetworks.org or by writing to Sage Bionetworks, Ingqalelo: Data Protection Officer, 2901 Third Avenue, Suite 330, Seattle, WA 98121, United States of America.

Ukuhlaziywa

Amaxesha ngamaxesha, singayihlaziya iPolisi yethu yemfihlo ukuze sicacise ngendlela esiqokelela, esiprosesa, esigcina nesiyidiza ngayo inkcazelo. Sifuna ukuchaza phandle kangangoko sinako yonke into enokwenza notshintsho esilwenzayo kwiPolisi yethu yemfihlo. Siza kukuxelela ngezinto ezihlaziyiweyo kunye nomhla wenguqulelo. Ukuba kule polisi yemfihlo kwenziwa utshintsho olukhulu oluchaphazela amalungelo okanye izinto omele uzenze, siza kwenza iinzame ezisegqiqweni zokukwazisa. Ngokomzeo, singakuthumela umyalezo kwidilesi yakho ye-imeyili ukuba ikhona kwiifayile zethu okanye sithumele umyalezo ozivelelayo okanye isaziso esifanayo xa usebenzisa i-MindKind Study App okanye uPhononongo okokuqala emva kokuba kubekho utshintsho olukhulu olwenziweyo. Ukuba uthatha inxaxheba kuPhononongo okanye usebenzisa iwebhsayithi ye-MindKind kunye/okanye i-MindKind Study App emva kokuba ipolisi

ehlaziyiweyo iye yaqala ukusebenza, loo nto ithetha ukuba uye wayifunda, wayiqonda waza wayamkela inguqulelo ehlaziyiweyo yale polisi yobumfihlo.

Isihlomelo se-General Data Protection Regulation

Njengoko kuyimfuneko phantsi komthetho we-General Data Protection Regulation, njengomthathi-nxaxheba unikwa inkcazelo eyongezelelekileyo.

Ukuze kufikelelwe iinjongo zomthetho kwingingqi okuyo, ingakumbi i-General Data Protection Regulation (GDPR), isizathu esisemthethweni sokuqokelela nokusebenzisa idatha yakho yimvume yakho kunye nomdla woluntu obanzi kuphando oluqhutywayo.

Ukuba ngokwesiqhelo uhlala kwindawo ethobela i-General Data Protection Regulation, unamalungelo athile ngokumayela nokuproseswa kwenkcazelo esiyiqokelela kuwe. Nangona amanye ala malungelo esebenza gabalala, amanye awo asebenza phantsi kweemeko ezilinganiselweyo. Siza kusithobela isicelo sakho sokusebenzisa amalungelo akho ngaphandle kokuba sinesizathu esibambekayo sokungasamkeli isicelo sakho okanye asikwazi kusamkela isicelo sakho ngenxa yezizathu zomthetho. Siza kusiphendula ingaphelanga inyanga e-1 emva kokuba sisifumene isicelo sakho.

- **Unelungelo lokufikelela kwidatha yakho.** Ungasibhalela nanini na ukuze usibuze ukuba yeyiphi inkcazelo yobuqu esiyigcinayo ibe siyigcine phi nokuba siyigcinele eyiphi injongo.
- **Unelungelo lokuba ilungiswe.** Ukuba kukho impazamo kwinkcazelo esiyiqokelele kuwe, unelungelo lokwenza isicelo sokuba ilungiswe. Unokusibhalela ukuze ucele kulungiswe nayiphi idatha yobuqu yakho engachanekanga.
- **Unelungelo lokuba icinywe.** Ungasicela ukuba sicime okanye sisuse enye yenkcazelo yakho yobuqu nanini na.
- **Unelungelo lokulinganisela ukwenziwa kwayo.** Ungayirhoxisa nanini na imvume yakho yokwenziwa kweDatha yakho Yobuqu.
- **Unelungelo lokufudusa idatha.** Ungacela ikopi yedatha yakho ibe kwifomathi okwasiyo ukuyisebenzisa.
- **Unelungelo lokwala.** Ungayeka nanini na ukunikela ngedatha kwi-App.

Ukuba unemibuzo malunga namalungelo akho kunye nokhetho lwakho okanye ungathanda inkcazelo engakumbi malunga namalungelo akho kunye nokhetho onalo, ungathumela i-imeyili ku privacyofficer@sagebionetworks.org.